



TOSHKENT DAVLAT YURIDIK UNIVERSITETI REKTORINING B U Y R U G ' I

14.04.2023

223-tm-son

Talabaga hayfsan e'lon qilish to'g'risida

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi qoidalarini buzish holatlari kuzatilmoqda. Jumladan, 2023-yilning 27-mart kuni universitet Odob-axloq kodeksi normalari va Ichki tartib qoidalariga amal qilish holati o'rganilganda, Ommaviy huquq fakulteti Davlat-huquqiy faoliyat yo'nalishi 2-kurs talabasi Sultonqulov Otabek Raximjon o'g'li universitet Odob-axloq kodeksi qoidalarini bilan tanishtirilgan bo'lishiga qaramasdan Davlat-huquqiy faoliyat yo'nalishi 2-kurs talabasi Rajabova Kamola Zohid qizi bilan o'zaro gap talashib, kelishmay qolganligi hamda uni barcha guruh talabalari oldida turli haqoratli so'zlar bilan shaxsiyatiga tekkanligi aniqlandi.

Talaba O.Sultonqulov mazkur harakatlari bilan universitetda talabalar bilan o'zaro munosabatlarida inson qadr-qimmatiga hurmatsizlik, shaxsiyatni kamsitish, qo'pollik, behayo so'zlar ishlatish talabiga rioya qilmagan holda universitet Odob-axloq kodeksi 18-moddasi ikkinchi qismida ko'rsatilgan qoidalarini buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral)ning 51-bandi, universitet Odob-axloq kodeksi 18-moddasi ikkinchi qism va Toshkent davlat yuridik universiteti Ichki tartib qoidalarini (ichki mehnat tartibi qoidalarini)ning 83-bandiga asosan

BUYURAMAN:

1. Universitet Odob-axloq kodeksi 18-moddasi ikkinchi qismida ko'rsatilgan qoidalarini buzganligi uchun Ommaviy huquq fakulteti Davlat-huquqiy faoliyat yo'nalishi 2-kurs talabasi Sultonqulov Otabek Raximjon o'g'liga hayfsan intizomiy jazo chorasi qo'llanilsin.

2. Ommaviy huquq fakulteti dekani (Sh.Saydullayev):
ushbu buyruq bilan fakultet talabalarini tanishtirsin;

mazkur holat va shu kabi qoidabuzarlik ushbu talabalar tomonidan takroran sodir etilsa, ularni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'ma jildlariga buyruq nusxasi tikilishini ta'minlasin.

3. Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonovga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

SH.SAYDULLAYEV

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

